



**Locutio Dei Ad Cor Religiosi**

**Pawłowski, Daniel**

**Dilingæ, 1686**

II. Meditatio: De fine, ad quem creatus est homo.

---

[urn:nbn:de:hbz:466:1-60052](https://nbn-resolving.de/urn:nbn:de:hbz:466:1-60052)

ge ac perpetuum sacrificium , debitum Deo ,  
velut omnium authori , ac Domino vitæ &  
necis , idque unicè propter bonum ejus , &  
quia est summum Bonum : fundatur hæc  
Elevatio Intentionis in illo Psal. 33. Exalte-  
mus nomen ejus in idipsum : & si ille juravit  
per semetipsum , Gen. 22. nos quoque possu-  
mus laudare illum per scipsum .

## DIEI PRIMÆ

### MEDITATIO II.

De Fine , ad quem creatus est  
homo.

*De hoc S. P. N. in Medit. quam ap-  
pellat Fundamentum, ita ait: Creatus es  
homo ad hunc finem, ut Dominum Deum suum  
laudet, ac revereatur, et que serviens  
tandem salvus fiat.*

ORATIO PRÆPARATORIA , &  
PRÆLUDIUM I. ut in Meditatione præ-  
ced.

PRÆLUD. II. Pete à Deo gratiam co-  
gnoscendi finem Creationis tuæ , tendendi  
ad illam , & consequendi illum.

PUNCTUM I. Audi Deum dicentem  
per Prophetam , Ps. 99. ipse fecit nos . Et non  
ipsi nos . Et per alium : Nunquid non Deus unus  
creavit nos ? Malach. 2. Creavit te Deus ori-  
gina-

ginaliter de nihilo : quid enim eras , antequam eras ? quoad animum , nihil eras : quoad corpus , in materia prima aliquid eras ; sed ante materiam primam , quid etiam quoad corpus eras ? Creavit te , tot aliis possibilibus creaturis in suo nihilo relictis . Fecit te non monstrum ; Fecit te nasci , non ante adventum Christi , non tempore diluvij , non inter Ethnicos , non inter Judæos , aut Hereticos ; non ex parentibus pessimis , qui te pravitate omni imbuerent ; non distulit nascentiam tuam ad tempora Antichristi . Item , fecit te ad imaginem suam , spiritualem quoad animam , immortalem , & beatitudinis æternæ eapacem , &c.

Ex his infer , Primò ; Si ex nihilo es , & nihil originaliter es ; nihil igitur tibi arroga , pro nihilo ab omnibus reputari patere , nihil tibi deberi existima . Infer 2. quantum debas Domino D E O tuo , protantis productionis tuæ circumstantiis ; quam sanctè illi servire tenearis ! Infer 3. Si spiritualis es quoad animam , quid igitur corpori nimium condescendis , & animam parùm curas ? Si immortalis es , quid igitur tibi cum temporalibus ? Si imago DEI es , quomodo aliquo nōo deformari te pateris ?

II. Audi Christum Dominum dicentem : *Non potest arbor mala bonos fructus facere , Matt. 7. Et considera fructus , seu proventus nihili*

nihil tui. Ex parte animæ, naturales isti sunt: Ignorantia, error, primi motus anxietatis, turbationis, inconstantie, passionum prædominantium. Ex parte corporis, preventus naturales sunt, omnia genera morborum, & omnes modi mortis; hæc enim omnia, dum deficiunt ab aliquo esse, pertinent ad tuum nihilum, in eoque radicantur. Morales deinde proventus nihil tui sunt: inclinationes ad omnia peccata possibilis, & ipsa peccata, quæ jam commisisti, & propter quæ ad nihilum tuum redire debes.

Ex his infer primò, debere te paratum esse ad omnia genera morborum, & mortis, juxta placitum Creatoris cui. Infer 2. propter morale nihilum tuum, nempe peccatum, deberi tibi contemptum infinitum, odium æternum, depressionem, derelictionem, oblivionem, persecutionem, & pœnam omnimodam, atque ita, si quidpiam horum quandoque tibi contingat, tanquam debitum tibi lubens accepta.


III. Audi DEUM dicentem: Omnem, qui invocat nomen meum, ad gloriam meam ereavi eum, Isa. 43. Et considera, ideo te creatum esse à Deo, ut eum laudes, reverearis, ei serbias, & tandem salvus fias, hoc est, DEUM ipsum pro mercede laborum referas. Ideo te factum esse Christianum, ut imiteris Christum in omni virtute; ut utaris dignè

Sacra.

Sacramentis ejus tibi competentibus , & , si opus fuerit , mortaris pro Christo . Ideo te factum Religiosum , & Socium JESU , ut ser vias ei ad instar Angeli in omni puritate ; ut servias illi usque ad defatigationem ; ut non tuam solum , sed & proximi salutem procu res.

Ex his infer primò , non esse te hominem , si vita tua non est laus Dei , servitus Dei , amor Dei . Infer 2. Non esse te Christianum , si in aliquo non imitaris Christum , in quo potes . Infer 3. Non esse te religiosum , si vita tua non est perpetua naturæ violentia ; non esse te Socium JESU , si non zelas animarum salutem ; si in puritate Angelica non servis illi usque ad defatigationem . Erubesce & propone meliora .

*COLLOQUIUM . Fecisti nos Domine ad Te , O inquietum est cor nostrum , donec requiescat in te . S. Aug. Ah , quomodo Creaturæ omnes tendunt ad fines , sibi à Te destinatos ! quanto conatu lapis tendit ad centrum suum ! quanto impetu ignis evolat ad sphæram suam ! & ego non tendam , non evolabo ad Te , Deus meus ! In fine Pater , & Ave .*



HORA

HORA CONSIDERATIONIS,  
Tempore pomeridiano  
diei primæ.

De Fundamentis, seu Principijs &  
Dictaminibus, quibus ordinariè innitit  
solent imperfecti, & perfecti  
Religiosi.

I.

**D**uae principales sunt in hac vita mortali Scholæ: Una Christi, altera Antichristi, seu opposita Scholæ Christi. Scholam Christi erexit Trinitas Sanctissima, dum Pater novissimè nobis locutus est in Filio suo, qui est VERBUM & Substantialis Sapientia, sub obumbratione Spiritus Sancti in hominem propagata. Scholam Antichristi erexit Trinitas scelestissima, Diabolus, Caro & Mundus, initiaque ejus adhuc in paradio facta, dum per scientiam boni & mali affectatam homo factus est, ut jumentum.

2. In his duabus Scholis, sicut aliæ Scientiæ & artes toto cœlo diversæ traduntur, ita etiam dissimillimæ traduntur Ethicæ, morum humanorum regulativæ. In schola sua Christus procedit per æternas rationes æternæ Veritatis, cum omni sanctitate & justitia connexas, ad omne solatium hominum, jux-

ta illud : *Lætamini in Domino DEO vestro, quia dedit vobis Doctorem justitiae. Ioc. 2.* In Schola Antichristi proceditur per fallacias æternæ falsitatis ad interitum ducentes; dialbolus enim in veritate non stetit, Rom. 8. & non stat. Prudentia carnis mors est; Sapientia hujus mundi, stultitia est apud Deum. 1. Cor. 3.

3. Ex his tam dissentientibus Scholis desumunt fundamenta, seu principia & dictamina, iisque vitam suam dirigunt imperfecti, & perfecti Religiosi. Imperfecti ex Schola & Ethica Antichristi, seu diaboli, carnis & mundi; perfecti ex schola Christi, ut ex sequentibus dictaminibus patebit.

*Primum fundamentum, seu dictamen imperfectorum Religiosorum, est hoc : Jam non sum Novitus; pridem prætextam exui; habeo ego meum Deuteronomium; non indigo pædagogo, &c. Hoc dictamen pertinet ad Belial; qui significat idem, quod sine iugâ, proindéque desumitur ex Ethica diaboli. Non es, Religiose, jam amplius Novitus, sed es inveteratus malorum: Exuisti prætextam, sed non induisti Christum: Habes Deuteronomium tuum, sed non DEI & Christi: Non indiges pædagogo, quia Magistrum non agnoscis Christum: Non es Novitus ad nuncupanda vota, sed esse debes semper Novitus ad perfectionem: Non annos DEUS computat, sed animum.*

Oppo-

Oppositorum huic dictamen habent perfecti Religiosi, dum ajunt: Geram me, ut primæ diei Novitium; desumūnque dictamen hoc ex Ethica Christi, quam non ignoravit servus DEI David, credens in Christum venturum, dum dixit: *Nunc cœpi.* Psal. 76. Idem dictamen instillabat discipulis Christi & suis, S. Antonius Abbas, ante mortem ita eos alloquens; *Admoneo vos, ð viscera mea, ne tanti temporis laborem repente perdatis, hodie vos religiosum studium arripuisse arbitriamini.* Sis ergo, Religiose, veteranus, sicut S. Petrus, ut te cingat alius, & eas quod non vis, sicut cinctus est, postquam senuit Petrus. Sis veteranus fortitudine, multa aggendo & patiendo pro Deo. Item, sis Novitus exactâ observantia omnis religiositatis, modestiâ, teneritudine conscientiæ, & astimatione omnium, tanquam Superiorum, tolerantiâque correctionis, & disciplinæ religiosæ.

Secundum dictamen imperfectorum Religiosorum est: *Licet aliis, cur non mihi?* Etiam alii sub eadem regula viventes habent intellectum, doctrinam, ac probitatem, & tamen aliter sentiunt, & aliter procedunt. Dictamen hoc ab exemplo, est simile illi pronuntiatio Phariseorum, contra Christum pugnantium, *Ioan. 7. Nunquid ex Principibus aliquis creditis in eum, qui ex Pharisæis;* quasi dice-

dicerent; tot alij docti & probi non sequuntur Christum hunc, & nos sequemur? Pharisaeicum ergo hoc dictamen est, si est contra regulam religionis, proindeque ad scholam Antichristi spectans.

Opponunt illi aliud boni Religiosi ex ore ipsius Christi desumptum: *Quid ad Te? tu me sequere. Attende tibi & regulæ. Non venisti imitari homines quoscunqne, sed Christum: Judicium de aliis relinque Deo, & fac, quod facere tenéris.*

Tertium dictamen imperfectorum religionum: Regulæ me non obligant sub peccato; hoc est consilij, non præcepti. Et hoc dictamen in schola diaboli natum est: eo enim admissò, etiam florentissimæ Religiones corruunt, sublatâ observantiâ regularum, per quam florebant, & subsistebant.

Bonis Religiosis aliud in corde simûlque in ore est, nempe hoc: dignus est Deus, ut observem etiam non obligantia sub peccato. Ad Christum, Christique scholam pertinet dictamen hoc, utpote cœlestibus incolis usitatum, prout testatur S. Joannes Apoc. 4. *Dignus es, Domine Deus noster, accipere gloriam, & honorem, & virtutum.* Et certè non decet, Religiosum esse plebejum Dei servum, metu solo ab iis tantum abstinentem, quibus adnexa est Inferni, aut purgatoriū pœna.

*Quartum*

Quartum dictamen imperfectorum : concedendum aliquid tempori; remittendum aliquid de rigore & severitate; rigor iste obest valetudini; arcus semper tensus facile rumpitur. Cujus scholæ sit dictamen hoc, colligitur primò ex dictis impiorum Sap. 2. Exiguum, & cum tædio est tempus vitæ nostræ, &c. Venite ergo, & fruamur bonis, &c. Non prætereat nos flos temporis. Colligitur deinde ex eo, quia sub pallio necessariæ valetudinis, commoditates carnis & superfluitates suadet; spectat igitur ad magisterium carnis, adeoque ad scholam Antichristi.

Non sic boni Religiosi, qui sibi occinunt illud Angelicum, Apoc. 10. Tempus non erit amplius: Momentum, ex quo pender æternitas; Nondum ad sanguinem restiti; Nemo mittens manum suam ad aratum, & respiciens retrò, aptus est regno Dei; Non decet sub Spinoso Capite membrum esse delicatum; Non prodest corpori, quod nocet animæ.

Habent & alia imperfecti Religiosi dictamina sua, Ethicam moribus Christi contrariam redolentia, qualia sunt: jus naturæ ad hoc habeo; non hoc requirit Justitia distributiva; solus ego videor, & notor; futuris est prospiciendum; singularitates sunt istæ, & exoticismi; sic fies exoticus, nec promoverebitis; minor inde erit gloria DEI, si inferioribus

sioribus posthabearis; habenda est ratio famæ propriæ. Hæc omnia sunt fallaciæ dia-  
boli, finem vanitatis, commoditatis, pro-  
priæque excellentiæ spectantes, proindeque  
è schola Christi eliminandæ.

Opponunt illis boni Religiosi has verita-  
tes: Religio est perpetua naturæ violentia;  
Servus inutilis sum; ego & asinus pares su-  
mus; solæ paleæ mihi debentur, & verbera;  
DEUS regit mundum, non mihi frangam  
caput, ipsi est cura de nobis; si hominibus  
placarem, servus Christi non essem; hæc est  
gloria DEI, confusio mea; Christus in infamia  
stipite penderet, & ego famam quæram?

Ex hac antithesi dictaminum collige, Re-  
ligiose, cuius I cholæ discipulus sis, & si ali-  
qua principia non ex schola Christi haufisti,  
in his Exercitiis ejara illa, & sola dicta-  
mina Magistri tui Christi sequere,  
& exsequere.



DIEI